

婆藪槃豆傳
龍樹菩薩說法要偈

四百卅七
畫三

51066



元祿九年丙子二月日重脩

皇圖鞏固 帝階綴昌

佛日增輝 轉輪常轉

山城州天安寺法金剛院置



二經同卷三

婆藪槃豆傳

龍樹菩薩為禪陀迦王說法要偈

婆藪槃豆傳

陳天竺三藏真諦譯

婆藪槃豆法師者北天竺富婁沙富羅國本

也富婁沙譯為丈夫富羅譯為土毗搜細天

王世傳云是帝釋弟帝釋遣其生閻浮提作

王為伏阿脩羅其生閻浮提為婆藪提婆王

之子有阿脩羅名因陀羅陀摩那因陀羅是

帝釋名陀摩那譯為伏此阿脩羅恒與帝釋

鬪戰謂能伏帝釋故有此名毗伽羅論解阿



畫

脩羅謂非善戲即應以此名譯之諸天恒以
善爲戲樂其恒以惡爲戲樂故有此名亦得
名非天此阿脩羅有妹名波羅頗婆底知履
波羅頗譯爲明婆底譯爲妃此女甚有容貌
阿脩羅欲害毗搜細天故將此妹誑之以呪
術力變閻浮提一處令陰闇其自居闇處不
令人見令妹別住明處語妹云若人欲得汝
爲婦汝可語云我兄有大力若欲取我必與
我兄相違若能將我兄鬪戰乃可相許毗搜
細天後於明處見此女心大悅之問云汝是
何人荅云我是阿脩羅童女天云諸阿脩羅
女由來皆嫡諸天我旣無婦汝又無夫今欲

相取得見從不女如其兄先言荅之天云汝
今惜我身故有此言汝已愛我我豈相置我
有大力能與汝兄鬪戰女遂許之即為夫妻
阿脩羅後往明處問毗搜細天汝云何輒取
我妹為婦天荅云若我非丈夫取汝妹為婦
可致嫌責我是丈夫無婦汝妹是童女無夫
我今取之正是其理何故見恠阿脩羅云汝有
何能自稱丈夫若是丈夫能將我鬪戰得勝
當以妹適汝天云汝若不信當共決之即各
執仗手相斫刺毗搜細天是那羅延身斫刺
所不能入天斫阿脩羅頭斷頭即還復手臂
等餘身分悉尔隨有斷處隨即還復從旦至

晚斫刺不息阿脩羅無有死狀天力稍盡轉
就疲困若至夜阿脩羅力則更強明妃恐其
夫不如即取鬱波羅華擘為兩片各擲一邊
明妃於其中行去而復來天即解其意捉阿
脩羅身擘為兩片各擲一邊天於其中行去
而復來阿脩羅由此命斷阿脩羅先就仙人
乞恩願令我身若被斫刺即更還復仙人施
其此恩故後時被斫刺而不失命仙人欲令
諸天殺之故不施其擘身還復之恩故後時
由此失命毗搜細天既居此地顯丈夫能因
此立名稱丈夫國此土有國師婆羅門姓嬌
尸迦有三子同名婆藪槃豆婆藪譯為天槃

豆譯爲親天竺立兒名有此體雖同一名復
立別名以顯之第三子婆藪槃豆於薩婆多部
出家得阿羅漢果別名比隣持定梨跋婆比隣
持是其母名跋婆譯爲子亦曰兒此名通人
畜如牛子亦名跋婆但此土呼牛子爲犢長
子婆藪槃豆是菩薩根性人亦於薩婆多部
出家後修定得離欲思惟空義不能得入欲
自殺身實頭盧阿羅漢在東毗提訶觀見此
事從彼方來爲說小乘空觀如教觀之即便
得入雖得小乘空觀意猶未安謂理不應止
尔因此乘神通往兜率陀天諮問弥勒菩薩
爲說大乘空觀還闍浮提如說思惟即便得

悟於思惟時地六種動既得大乘空觀因此
為名阿僧伽譯為無著尔後數上兜率陀天
諮問弥勒大乘經義弥勒廣為解說隨有所
得還闍浮提以己所聞為餘人說聞者多不
生信無著法師即自發願我今欲令衆生信
解大乘唯願大師下闍浮提解說大乘今諸
衆生皆得信解弥勒即如其願於夜時下闍
浮提放大光明廣集有緣衆於說法堂誦出
十七地經隨所誦出隨解其義經四月夜解
十七地經方竟雖同於一堂聽法唯無著法
師得近弥勒菩薩餘人但得遙聞夜共聽弥
勒說法晝時無著法師更為餘人解釋弥勒

所說因此衆人皆信大乘彌勒菩薩教無著
法師修日光三摩提如說修學即得此定從
此定後昔所未解悉能通達有所見聞永憶
不忘佛昔所說華嚴等諸大乘經悉未解義
彌勒於兜率陀天悉爲無著解說諸大乘經
義法師並悉通達皆能憶持後於閻浮提造
大乘經優婆提舍解釋佛所說一切大乘教
第二子婆藪槃豆亦於薩婆多部出家博學
多聞遍通墳籍神才俊朗無可爲儔戒行清
高難以相正兄弟既有別名說故法師但稱
婆藪槃豆佛滅度後五百年中有阿羅漢名
迦旃延子母姓迦旃延從母爲名先於薩婆

多部出家本是天竺人後往罽賓國罽賓在天竺之西北與五百阿羅漢及五百菩薩共撰集薩婆多部阿毗達磨製為八伽蘭他即此間云八捷度伽蘭他譯為結亦曰節謂義類各相結屬故云結又攝義令不散故云結義類各有分限故云節亦稱此文為發慧論

以神通力及願力廣宣告遠近若先聞佛說阿毗達磨隨所得多少可悉送來於是若人若天諸龍夜叉乃至阿迦尼師吒諸天有先聞佛說阿毗達磨若廣若略乃至一句一偈悉送與之迦旃延子共諸阿羅漢及諸菩薩簡擇其義若與脩多羅毗那耶不相違背即

便撰錄若相違背即便棄捨是所取文句隨
義類相關若明慧義則安置慧結中若明定
義則安置定結中餘類悉尔八結合有五萬
偈造八結竟復欲造毗婆沙釋之馬鳴菩薩
是舍衛國婆枳多土人通八分毗伽羅論及
四皮陀六論解十八部三藏文宗學府先儀
所歸迦旃延子遣人往舍衛國請馬鳴為製
文句馬鳴既至罽賓迦旃延子次第解釋八結
諸阿羅漢及諸菩薩即共研辯義意若定馬
鳴隨即著文經十二年造毗婆沙方竟凡百
萬偈毗婆沙譯為廣解製述既竟迦旃延子
即刻石立制云今去學此法人不得出罽賓

國八結文句及毗婆沙文句亦悉不得出國
恐餘部及大乘污壞此正法以立制事白王
王亦同此意罽賓國四周有山如城唯有一
門出入諸聖人以願力攝諸夜叉神令守門
若欲學此法者能來罽賓則不遮礙諸聖人
又以願力令五百夜叉神為檀越若學此
法者資身之具無所短乏阿踰闍國有一法
師名婆娑須跋陀羅聰明大智聞即能持欲
學八結毗婆沙義於餘國弘通之法師託迹
為狂癡人往罽賓國恒在大集中聽法而威
儀乖失言笑舛異有時於大集中論毗婆沙
義乃問羅摩延傳眾人輕之皆不齒錄於十

二年中聽毗婆沙得數遍文義已熟悉誦持
在心欲還本土去至門側諸夜又神高聲唱
令大阿毗達摩師今欲出國即執將還於大集
中衆共檢問語言紕謬不相領解衆咸謂爲
狂人即便放遣法師後又出門諸神復唱令
執還遂聞徹國王王又令於大集中更檢問
之衆重檢問亦如先不相領解如此三反去
而復還至第四反諸神雖送將還衆不復檢
問今諸夜又放遣出國法師既達本土即宣
示近遠咸便聞知云我已學得罽賓國毗婆
沙文義具足有能學者可急來取之於是四
方雲集法師年已衰老恐出此法不竟令諸

學徒急疾取之隨出隨書遂得究竟罽賓諸
師後聞此法已傳流餘土人各嗟歎至佛滅
後九百年中有外道名頻闍訶婆娑頻闍訶
是山名婆娑譯爲住此外道住此山因以爲
名有龍王名毗梨沙伽那住在頻闍訶山下
池中此龍王善解僧法論此外道知龍王善
解欲就受學龍王恒變身作仙人狀貌住葉
屋中外道往至龍王所述其欲學意龍王即
許之外道採華滿一大藍頭戴華藍至龍王
所繞龍王一帀輒投一華以爲供養投一華
作一偈讚歎龍王德龍王隨聞隨破其所立
偈義即取華擲外道其外道隨破隨立偈義

既立還投所擲華如此投一藍華盡且破且
救諸偈悉成就龍王既嘉其聰明即為解說
僧佉論語外道云汝得論竟慎勿改易龍王
畏其勝已故有此說及其隨聽所得即簡擇
之有非次第或文句不巧義意不如悉改易
之龍王講論竟其著述亦罷即以所著述論
呈龍王龍王見其所製勝本大起瞋妬語外
道云我先囑汝不得改易我論汝云何改易
當令汝所著述不得宣行外道答云師本囑
我論成後不得改易不囑我於說論中不得
改易我不違師教云何賜責乞師施我恩我
身未壞願令此論不壞即許之外道得此論

後心高很慢自謂其法最大無復過者唯釋
迦法盛行於世衆人多謂此法為大我須破
之即入阿輸闍國以頭擊論義鼓云我欲論
義若我墮負當斬我頭若彼墮負彼宜輸頭
國王毘柯羅摩阿祇多譯為正勤日王知此
事即呼外道問之外道曰王為國主於沙門
婆羅門心無偏愛若有所習行法宜試其是
非我今欲與釋迦弟子決判勝劣各須以頭
為誓王即聽許王遣人問國內諸法師誰能
當此外道若有能當可與論義于時摩菟羅
他法師婆藪槃豆法師等諸大法師悉往餘
國不在摩菟羅他譯為心願唯有婆藪槃豆

師佛陀蜜多羅法師在佛陀蜜多羅譯為覺
親此法師本雖大解年已老邁神情昧弱辯
說羸微法師云我法大將悉行不在外道強
梁復不可縱我今正應自當其事法師即報
國王王仍剋日廣集大眾於論議堂令外道
與法師論議外道問云沙門為欲立義為欲
破義法師荅云我如大海無所不容汝如土
塊入中便沒隨汝意所樂外道云沙門可立
義我當破汝法師即立無常義云一切有為
法刹那刹那滅何以故後不見故以種種道
理成就之是法師所說外道一聞悉誦在口
外道次第以道理破之令法師誦取誦不能

得令法師救之救不能得法師即墮負外道
云汝是婆羅門種我亦是婆羅門種不容殺
汝今須鞭汝背以顯我得勝於是遂行其事
王以三洛沙金賞外道外道取金布散國內
施一切人還頻闍訶山入石窟中以呪術力
召得夜叉神女名稠林從此神女乞恩願令
我死後身變成石永不毀壞神女即許之其
自以石塞窟於中捨命身即成石所以有此願
者其先從其師龍王乞恩願我身未壞之前
我所著僧伽論亦不壞滅故此論于今猶在
婆藪槃豆後還聞如此事歎恨憤結不得值之
遣人往頻闍訶山覓此外道欲折伏其很慢

以雪辱師之耻外道身已成石天親彌復憤
懣即造七十真實論破外道所造僧佉論首
尾凡解無一句得立諸外道憂苦如害己命
雖不值彼師其悉檀旣壞枝末無復所依報
讎雪耻於此為之衆人咸皆慶快王以三洛
沙金賞法師法師分此金為三分於阿踰闍
國起三寺一比丘尼寺二薩婆多部寺三大
乘部寺法師介後更成立正法先學毗婆沙
義已通後為衆人講毗婆沙義一日講即造
一偈攝一日所說義刻赤銅葉以書此偈標
置醉象頭上擊鼓宣令誰人能破此偈義能
破者當出如此次第造六百餘偈攝毗婆沙

義皆盡一皆介遂無人能破即是俱舍論
偈也偈足後以五十斤金并此偈寄與罽賓
諸毗婆沙師彼見皆大歡喜謂我正法已廣
弘宣但偈語玄深不能盡解又以五十斤金
足前五十為百斤金餉法師乞法師為作長
行解此偈義法師即作長行解偈立薩婆多

義隨有僻處以經部義破之名為阿毗達磨
俱舍論論成後寄與罽賓諸師彼見其所執
義壞各生憂苦正勤日王太子名婆羅秩底
知履也婆羅譯為新帙底也譯為日王本令
太子就法師受戒王妃出家亦為法師弟子
太子後登王位母子同請留法師住阿踰闍

國受其供養法師即許之新日王妹夫婆羅
門名婆修羅多是外道法師解毗伽羅論天
親造俱舍論竟此外道以毗伽羅論義破法
師所立文句謂與毗伽羅論相違令法師救
之若不能救此論則壞法師云我若不解毗
伽羅論豈能解甚深妙義法師仍造論破毗
伽羅論三十二品始末皆壞於是失毗伽羅
論唯此論在王以一洛沙金奉法師王母以
兩洛沙金奉法師法師分此金為三分於丈
天國罽賓國阿踰闍國各起一寺此外道慙
忿欲伏法師遣人往天竺請僧伽跋陁羅法
師來阿踰闍國造論破俱舍論此法師至即

造兩論一光三摩耶論有二萬偈止述毗婆
沙義三摩耶譯為義類二隨實論有十二萬
偈救毗婆沙義破俱舍論論成後呼天親更共
面論決之天親知其雖破不能壞俱舍義不
復將彼面共論決法師云我今已老隨汝意
所為我昔造論破毗婆沙義亦不將汝面共
論決汝今造論何須呼我有智之人自當知
其是非法師先遍通十八部義妙解小乘執
小乘為是不信大乘謂摩訶衍非是佛說阿
僧伽法師既見此弟聰明過人識解深廣該
通內外恐其造論破壞大乘阿僧伽法師住
在丈夫國遣使往阿踰闍國報婆藪槃豆去

我今癯篤汝可急來天親即隨使還本國與
兄相見諮問疾源兄荅云我今心有重病由
汝而生天親又問云何賜由兄云汝不信大
乘恒生毀謗以此惡業必永淪惡道我今愁
苦命將不全天親聞此驚懼即請兄爲解說
大乘兄即爲略說大乘要義法師聰明殊有
深識即於此時得悟知大乘理應過小乘於
是就兄遍學大乘義後如兄所解悉得通達
解意既明思惟前後悉與理相應無有乖背
始驗小乘爲失大乘爲得若無大乘則無三
乘道果昔既毀謗大乘不生信樂懼此罪業
必入惡道深自咎責欲悔先過往至兄所陳

其愚迷今欲懺悔先誓未知何方得免去我
昔由舌故生毀謗今當割舌以謝其罪兄云
汝設割舌亦不能滅此罪汝若欲滅此罪當
更爲方便法師即請兄說滅罪方便兄云汝
舌能善巧毀謗大乘汝若欲滅此罪當善巧
解說大乘阿僧伽法師殂歿後天親方造大
乘論解釋諸大乘經華嚴涅槃法華般若維
摩勝鬘等諸大乘經論悉是法師所造又造
唯識論釋攝大乘三寶性甘露門等諸大乘
論凡是法師所造文義精妙有見聞者靡不
信求故天竺及餘邊土學大小乘人悉以法
師所造論爲學本異部及外道論師聞法師名

莫不畏伏於阿踰闍國捨命年終八十雖迹
居凡地理實難思議也

前來說此記天親等兄弟此後記三歲闍梨
從臺城出入東至廣州重釋大乘諸論并遷
化後事傳於後代

婆藪槃豆法師傳

龍樹菩薩為禪陀迦王說法要偈 盡

宋三藏法師求那跋摩譯

禪陀迦王應當知
悉為無明所覆障

生死苦惱多眾過
吾欲為彼興利益

譬如刻畫造佛像
我依如來說正法
汝雖先聞牟尼言
猶如華池色清淨
佛說六念當修習
修行十善淨三業
觀身命財速危朽
施為堅牢無與等
勤修淨戒除瑕穢
譬如大地植衆物
修忍柔和捨瞋恚
如是精進及禪智

智者見之宜恭敬
大王亦應深信受
今若聽受轉分別
月光垂照踰暉顯
所謂三寶施戒天
離酒放逸及邪命
應施福田濟窮乏
最為第一親近者
亦莫希求願諸有
戒亦如是生諸善
佛說是行最無上
具此六行超生死

若能在家孝父母
現世流布大名稱
殺盜婬欺耽荒酒
謳歌倡伎過時食
若少時聞修此戒
慳嫉貪欲及諂僞
如此衆惡不善法
端正尊豪及五欲
莫恃若斯不堅法
欲長諸善證甘露
有能精勤捨憍慢
猶如指鬣與難隨

此即名爲勝福田
未來福報轉無量
雕牀高廣及香熏
如斯衆惡宜遠離
必受天樂昇涅槃
誑惑顛倒與懈怠
大王當觀速棄捨
當知危朽若泡沫
憍逸自恣生諸苦
應當遠離如棄毒
譬如除雲顯秋月
亦如差摩賢聖等

如來說有三種語
入意如華實猶蜜
應當修習前二言
從明入明四種法
二種入明是應修
菴婆羅菓四種變
當以智慧深觀察
雖見女人極端嚴
設起貪欲染愛心
是心躁動宜禁制
欲心若起應驚怖
欲為無利如怨毒

入意真實虛妄言
虛妄鄙惡若糞穢
速宜除斷虛妄者
王當分別諦思惟
若就癡冥當速捨
人難分別亦如是
若實賢善宜親近
當作已母姊妹想
應當正修不淨觀
如防身命及珍寶
猶畏刀劍惡獸等
如此之言牟尼說

生死輪迴過獄縛
六入躁動馳諸境
若能如是攝諸根
是身不淨九孔流
薄皮覆蔽似清淨
諸有智人乃分別
譬如疥者近猛焰
貪欲之想亦復然
見身實相皆不淨
若能修習斯觀者
雖有色族及多聞
雖處醜賤少聞見

應當勤修求解脫
應當攝持莫放逸
勝於勇將摧強敵
無有窮已若河海
猶假瓔珞自莊嚴
知其虛誑便棄捨
初雖暫悅後增苦
始雖樂著終多患
即是觀於空無我
於利益中最無上
若無戒智猶禽獸
能修戒智名勝士

利衰八法莫能免
諸有沙門婆羅門
莫為彼意受其言
設為此等起諸過
夫造衆惡不即報
臨終罪相始俱現

若有除斷真無匹
父母妻子及眷屬
廣造不善非法行
未來大苦唯身受
非如刀劍交傷割
後入地獄嬰諸苦

信戒施聞慧慚愧

如是七法名聖財

眞實無比牟尼說

超越世間衆珍寶

大王若集此勝財

不义亦證道場果

博奕飲酣好琴瑟

懈怠憍逸及惡友

非時輕躁多動乱

如斯七法當遠離

知足第一勝諸財

如此之言世尊說

知足雖貧可名富
若豐財業增諸苦
當觀美味如毒藥
爲存此身雖應食
於諸欲染當生厭
調和此身令安隱
一夜分別有五時
初中後夜觀生死
四無量定當修習
若專繫念四禪心
有爲遷動皆無常
無我無樂不清淨

有財多欲是名貧
如龍多首益酸毒
以智慧水灑令淨
勿貪色味長憍慢
勤求無上涅槃道
然後宜應修齋戒
於二時中當眠息
宜勤求度勿空過
是名開於梵天道
命終必生彼天處
苦空敗壞不堅固
如是悉名對治法

若有深觀此法門
修行五戒斷五邪
譬如少鹽置恒河
微細之惡遇衆善
五邪若增劫功德
信等五根衆善源
生等八苦常熾然
欲求天樂及涅槃
雖有利智入邪道
四種顛倒害諸善
謂色非我我非色
於色生此四種心

未來常處尊豪位
是亦大王所應念
不能令水有鹹味
消滅散壞亦如是
王當除滅令莫長
是宜修習令增盛
常持慧水灑令滅
應勤修習正知見
微妙功德永無餘
是故當觀莫令生
我中無色色無我
自餘諸陰皆如是

是二十心名顛倒
法不自起冥初生
皆從無明愛業起
大王既知此等因
身見戒取及疑結
王若毀壞令散滅
譬如盲人問水相
欲求涅槃亦如是
欲假眷屬及知識
是故大王當精進
施戒多聞及禪定
人主故應修慧明

若能除斷為最上
非自在作及時有
若無因緣便斷壞
當燃慧燈破癡闇
此三能障無漏道
聖解脫法當現顯
百千万劫莫解了
唯自精勤後方證
而得之者甚難得
然後乃可證寂滅
因是漸近四真諦
行斯三法求解脫

若能修此最上乘
大王當觀身念處
若無此念增惡覺
人命短促不久留
出息入息眠睡間
不久便當見磨滅
青瘀脹壞膿血流
髮毛爪齒各分散
當知此身不堅牢
是故賢聖諸智人
須彌巨海及江河
如此堅固尚摧毀

則攝諸餘一切善
世尊說爲清淨道
是故宜應勤修習
如水上的泡起尋滅
念念恒謝常衰滅
皮肉臭爛甚可惡
虫蛆啖食至枯竭
風吹日曝漸乾盡
無量衆苦所積聚
皆觀斯過咸棄捨
七日並照皆融竭
況復若斯危脆身

無常既至無救護
是故大王當諦觀
人身難得法難聞
既獲若斯希有身
得此妙身造諸惡
生處中國遇善友

不可恃怙及追求
速生厭離求勝法
猶如盲龜遇浮孔
宜應勤心聽正法
譬如寶器盛眾毒
專念發心起正願

又植功德具諸根
若復親近知見人
是故應當樂隨順
既遇微妙清淨法
生死嶮難苦無量
我今為王略分別

王今滿足此眾善
佛說此為淨梵行
諸佛由此證涅槃
應當志求離欲道
窮劫宣說莫能盡
應當諦聽善思惟

三界轉變無輪際
怨親憎愛無常處
無始生死世界來
若不精勤證空智
周流五道經人天
愛別哀悲計其淚
若計一人父母者
雖受五欲天上樂
諸天壽命極長遠
歌謳倡舞流妙聲
竒姿妙色極端嚴
百味盛饌皆具足

父母妻子更相因
如旋火輪豈窮已
計飲母乳多大海
將來復飲無窮限
若積身骨高須弥
亦非江河所能匹
過於世間草木數
終還墜沒惡趣苦
其間娛樂難宣說
哀音和雅甚清遠
圍遶侍衛相娛樂
隨意所翫自然至

寶池香淨水恒滿
衆鳥異色集其上
諸天遊戲浴其內
福盡臨終五衰現
是故雖有天女娛
雖居珍寶上樓觀
雖遊天上難陀園
雖浴諸天曼陀池
雖復位處轉輪帝
雖受梵天離欲娛
雖居天宮具光明
所謂黑繩活地獄

周帀羅覆諸妙華
哀聲相和出遠音
如是歡娛不可說
尔時坐苦踰前樂
智者見之已生厭
亦必退墮臭穢處
會亦還入刀劍林
終必墜於灰河獄
歸爲僮僕被駢役
還墜無間熾燃苦
後入地獄黑闇中
燒割剝刺及無間

是八地獄常熾然
或受大苦如壓油
或解肢節令分散
或以沸銅澆其口
鐵狗竟來爭食噉
衆類毒虫並齧齧
大火猛盛俱洞燃
鑊湯騰沸至高涌
人命危朽甚迅駛
若人於此短命中
當知此心甚堅固
若見圖畫聞他言

皆是衆生惡業報
或碎身體若塵粉
或復剝剥及燒煮
或以鐵壓裂其形
鐵鳥復集共齧掣
或燒銅柱貫其身
罪業緣故無逃避
顛倒罪人投其內
譬如諸天喘息頃
聞上諸苦不驚畏
猶如金剛難摧壞
或隨經書自憶念

如是知時以難忍
無間無救大地獄
若復有人一日中
比阿鼻獄一念苦
受此大苦經一劫
如是苦惱從誰生
大王今雖無斯患
於畜生中苦無量
無有信戒多聞故
或爲明珠羽角牙
爲人乘駕不自在
餓鬼道中苦亦然

况復已身自經歷
此中諸苦難窮盡
以三百矛積其體
百千万分不及一
罪業緣盡後方免
皆由三業不善起
若不修因終墜落
或有繫縛及鞭撻
恒懷惡心相食噉
骨毛皮肉致殘害
恒受瓦石刀杖苦
諸所須欲不隨意

飢渴所逼因寒熱
腹大如山咽如針
裸形被髮甚醜惡
其口夜則大火燃
屎尿糞穢諸不淨
設復推求得少分

疲乏等苦甚無量
尿屎膿血不可說
如多羅樹被燒剪
諸虫爭赴共啜食
百千方劫莫能得
更相劫奪尋散失

清涼秋月患炎熱
若趣園林眾菓盡
罪業緣故壽長遠
受眾楚毒無空缺
正覺說斯苦惱因
若天福盡有餘善

溫和春日轉寒苦
設至清流變枯渴
經有一万五千歲
皆是餓鬼之果報
名曰慳貪嫉妬業
因此得為人中王

後設懈怠福都盡
或生脩羅起貢高
諸天雖有善根行
是故當知嫉妬結
大王汝今已具知
應當勤修出世善
若加精進斷諸有
當勤持戒習禪智
涅槃微妙絕諸相
亦無山河與日月
若欲證於無師智
若有乘斯覺分船

必墜三惡無有疑
恚嫉貪害增諸惱
以其慳嫉失利樂
為染惡法宜棄捨
生死過惡多衆苦
如渴思飲救頭燃
於諸善中最無上
調伏其心求涅槃
無生老死及衰惱
是故應當速證知
應當專修七覺法
生死大海易超渡

佛所不說十四法
唯當正心勤精進
無明緣行識名色
有則緣生生緣死
如是正觀十二緣
若欲次第見四諦
雖居尊榮處五欲
此果不可求餘人
我說衆苦及涅槃
不應生於怖畏心
心爲諸法之根本
我說法要略分別

但生信心莫疑惑
決定修習諸善法
六入觸受愛取有
若盡生死因緣滅
是人則見聖師子
當勤修習八正道
亦得聖道斷諸結
必自心會乃得證
欲爲潤益大王故
但勤誦習行諸善
若先調伏事斯辦
王不宜應生足心

若有大智更敷演
王今名爲大法器
若見有修三業善
自所行善及隨喜
王當仰學諸賢聖
未來必當成正覺
大王若修上諸善
然後以此教化人
煩惱駛河漂衆生
欲滅如是諸塵勞
離諸世間假名法
若有婦人懷害心

亦當至心勤聽受
若廣聞法必多益
應深助生隨喜心
如是功德悉迴向
如觀音等度衆生
國無生老三毒害
則美名稱廣流布
普令一切成正覺
爲深怖畏熾然苦
應修真實解脫諦
則得清淨不動處
如此之妻宜遠離

設有貞和愛敬夫
恒為親友姊妹想
我所說法正如是

謙卑勤業若婢使
此宜尊敬如宅神
王當日夜勤修行

龍樹菩薩為禪陀迦王說法要偈三 畫

婆藪槃豆傳

數音叟音細女九廣該下古妃音適音擗適嫁

補陌反儔直流反烈賓上居枳婆只居舛異

分昌軟反紕繆下疋毗反僧佉下丘很慢上

不齊也反也必柯上頻結頻必二阿秩下直

摩菟下奴羸微上力垂土塊對下傾稠林上直

憤懣上音悶 怒氣下音也 報讎下音酬 餉詩尚反 摩

衍下音 殂上音 死反 胡也 報 讎下音 餉詩尚反 摩

謳歌上音 烏反 博弈下音 戲謂之 亦音 碁賭之 飲下 酣何下

醉反 半反 琴瑟下音 琴之音 類亦 酸毒上音 蘇反 蛆反 啞徐上 酣何下

垂也 下子 日曝下音 蒲木反 融余反 危脆徐上 取下反

堅也 反不 恃怙市二音 戶音 割剥下必 澍注音 澹反 掣加上 則取下反

下昌列反 口甫牽拽白 迅駛上音 私閨反 疾下音 使疾也 喘息尺上

軟反 牙齷 上莫侯反 大槍也 梁也 鞭撻下音 他反 達尺上

咽如 上音 煙裸形 上音 魯果反 赤體反

五反 咽如 上音 煙裸形 上音 魯果反 赤體反

